

QUEN SE TEN QUE PREINSCRIBIR

- Alumnado que solicita cursar estudos en 1º curso de nivel básico ou básico integrado dun idioma por primeira vez.
- Alumnado procedente das probas de clasificación.
- Alumnado de acceso directo por titulación.
- Alumnado que se incorpora á ensinanza presencial tras superar as probas específicas de certificación polo réxime libre.
- Alumnado procedente de traslado de expediente.
- Antigo alumnado que non estivera matriculado polo réxime oficial no curso 2016-2017.
- Alumnado oficial con renuncia ou anulación de matrícula no curso 2016-2017.
- As persoas que desexen acceder ó nivel C1, agás as que estiveran matriculadas neste nivel durante o curso 2016-2017.

PRAZO DE PREINSCRICIÓN

-Para 1º de Nivel Básico e básico integrado:

- Do 27 de xuño ó 6 de xullo (adxudicación de prazas o 8 de xullo)
- Do 17 de xullo ó 14 de setembro (adxudicación de prazas o día 16 de setembro)

-Para os demais cursos:

Do 27 de xuño ó 14 de setembro (adxudicación de prazas o día 16 de setembro)

ONDE HAI QUE PREINSCRIBIRSE

A través do acceso <https://www.eoidigital.com/preinsxunta>

Pódese facer unha única preinscrición para cada idioma, con catro preferencias priorizadas de grupos. Poderase solicitar praza nun máximo de 2 idiomas. No caso de adxudicación de praza en 2 idiomas en dúas escolas distintas, o alumno deberá optar por un só idioma nunha soa escola, excepto no caso de que un dos idiomas só se imparta nunha das dúas escolas.

No momento de facer a preinscrición, a aplicación asignaralle un número a cada solicitude, independentemente da escola, idioma e curso solicitado. Para a asignación de prazas o sistema informático obterá un número de corte por idioma e curso a partir do cal

se asignarán as vacantes dispoñibles. Este número obtense aleatoriamente entre todos os números asignados a cada solicitante dese idioma e curso no momento da preinscrición. A adxudicación de prazas realizarase por persoa, empezando pola solicitude que teña o número obtido no sorteo, respectando a orde de preferencia indicada na solicitude e pasando á seguinte persoa cando se lle asigne praza nun grupo ou cando non obteña praza en ningún dos grupos solicitados.

ADXUDICACIÓN DE PRAZAS DE BÁSICO 1 E BÁSICO INTEGRADO- 8 XULLO

A obtención do número para a adxudicación das prazas nos cursos de 1º de nivel básico e básico integrado realizarase en acto público, o 7 de xullo ás 13:00 horas na EOI de Vigo. O día 8 de xullo este alumnado poderá consultar na aplicación web se foi admitido, e deberá confirmar a reserva de praza no grupo adxudicado desde a aplicación web de matrícula e formalizar esta, no prazo establecido (do 10 ó 14 de xullo, consulte o documento [MATRÍCULA](#)), na secretaría da EOI (ou das sección do Barco de Valdeorras, O Carballiño ou Verín se vai cursar estudos nelas).

MATRÍCULA:

ADXUDICACIÓN DE PRAZAS NO RESTO DOS CURSOS-16 SETEMBRO

A obtención do número para a adxudicación das prazas nos cursos distintos de 1º de básico ou básico integrado, así como das de básico e básico integrado que quedaran libres trala adxudicación de xullo realizarase en acto público o 15 de setembro ás 13:00 horas na EOI de Vigo. O 16 de setembro o alumnado poderá consultar na aplicación web se foi admitido. As persoas que obteñan praza deberán confirmar a reserva de praza no grupo adxudicado dende a aplicación web de matrícula e formalizar esta, no prazo establecido (do 16 ó 21 de setembro, consulte o documento [MATRÍCULA](#)), na secretaría da EOI (ou das sección do Barco de Valdeorras, O Carballiño ou Verín se vai cursar estudos nelas).

Para comprobar se están admitidos terán que acceder á súa preinscrición coa data de nacemento e o DNI/NIE e o contrasinal indicado no momento da alta.

ANEXO III

Procedemento de preinscrición en liña

1. Acceso ao sistema
2. Entrada á aplicación
3. Procedemento de matriculación
4. Confirmación de matrícula

1. Acceso ao sistema

O acceso á preinscrición en liña realizarase desde a dirección:

<https://www.eoidigital.com/preinsxunta>

2. Entrada á aplicación

I. Datos de identificación

A persoa que desexe solicitar unha praza nas escolas oficiais de idiomas deberá darse de alta no sistema. Para iso deberá indicar a súa *data de nacemento* e o seu *número de DNI ou NIE*.

O formato destes campos indicárase na pantalla:

- Data de nacemento: dd-mm-aaaa
- DNI: 8 díxitos seguidos dunha letra
- NIE: comezará por X, Y ou Z, seguido de 7 díxitos e finalizado pola letra correspondente.

II. Datos persoais

Unha vez que se acceda coa data de nacemento e o número identificativo, terase acceso a unha pantalla para introducir os datos persoais.

Haberá unha serie de campos de requirido cumprimento para seguir co proceso de solicitude. Os datos que se solicitan son de nacemento e de residencia.

Igualmente terase que introducir un *contrasinal* que *permitirá con posterioridade acceder ao proceso de preinscrición en liña*.

Para os casos de perda de contrasinal pedirase tamén unha pregunta/resposta secreta que permita recuperar o contrasinal.

Os datos introducidos poderán ser modificados con posterioridade, sempre e cando o usuario posúa os datos de acceso.

3. Solicitude de praza

Unha vez cubertos todos os campos de datos persoais, e a continuación das pantallas de confirmación, accédese á solicitude de prazas.

A pantalla conta, en primeiro lugar, con dous cadros despregables de datos nos que hai que indicar o **idioma** que se solicita e o **curso**.

A oferta é conxunta entre todas as escolas oficiais de idiomas de Galicia, polo que no despregable aparecerá a oferta de todas as EOI.

A orde para solicitar unha praza é a seguinte:

- I. Elección do idioma.
- II. Elección do curso dos ofertados para o idioma seleccionado anteriormente.
- III. Elección do centro no que se desexe a praza.
- IV. Elección do grupo segundo os ofertados.

Os puntos III e IV poden ser repetidos varias veces nunha mesma solicitude.

A solicitude é única por idioma, é dicir, un mesmo solicitante non poderá realizar máis dunha preinscrición para un mesmo idioma.

Dentro da preinscrición poderanse realizar varias opcións para unha mesma solicitude.

A solicitude realizada poderá ser consultada, modificada e incluso eliminada en calquera momento e sempre que o proceso non estea cerrado segundo os prazos establecidos.

O sistema poderá emitir resgardos como garantía da solicitude da praza.

4. Modificación de solicitudes realizadas

Se o prazo de preinscrición non está pechado, a través da mesma páxina é posible acceder á información introducida e poderanse modificar tanto os datos persoais como as preinscricións.

Poderanse engadir novas preinscricións, modificar opcións dentro dunha preinscrición e mesmo eliminar preinscricións existentes.

O acceso por segunda e posteriores veces realizarase coa data de nacemento, o DNI/NIE e o **contrasinal** indicado no momento da alta.

5. Consulta de solicitudes

Durante todo o proceso poderase acceder á consulta das solicitudes realizadas.

Unha vez realizada a adxudicación de vacantes, na consulta de preinscricións poderase ver se se obtivo praza ou non.

6. Adxudicación de prazas

A adxudicación de prazas realizarase da seguinte maneira:

- I. No momento da preinscrición, a aplicación asignaralle un número a cada solicitude.
- II. Seguindo o procedemento establecido nesta circular, obterase, en sorteo público, un número de corte por idioma e curso. Este número obterase de entre todos os números que a aplicación lle asignou a ese idioma e curso. Tomarase como primeiro/a alumno/a a solicitude que teña o número obtido.
- III. Comprobaranse as peticións efectuadas polo/a solicitante e se hai dispoñibilidade no primeiro grupo solicitado asignaráselle praza inmediatamente, descartando o resto de peticións feitas para ese mesmo idioma por esta persoa.
- IV. Se non hai prazas dispoñibles na primeira opción, tense en conta a súa segunda opción e así sucesivamente. En caso de que en ningunha das opcións solicitadas existan prazas vacantes, descartarase esta solicitude e continuarase coa solicitude que teña o seguinte número, en orde ascendente.
- V. Unha vez comprobadas as peticións de todas as persoas solicitantes, xerarase unha lista de reservas, que terá en conta **unicamente a primeira opción solicitada** e comezará pola primeira persoa solicitante que non obtivese praza.

7. Confirmación de matrícula

A confirmación de matrícula realizarase desde a mesma aplicación que se utiliza na matriculación oficial, segundo se dispón no anexo IV.